

集義軒詠史詩鈔校證

第三冊

(清)

羅惇衍

著

趙望秦等

校證

陝西出版傳媒集團
三秦出版社

國家社會科學基金項目階段性研究成果
陝西師範大學優秀

資助

陝西出版傳媒集團
三秦出版社



趙望秦 孫亞男 劉璐 王璐 趙金丹 張海燕 校證

(清) 羅惇衍 著

集義軒詠史詩鈔校證

第三冊

(卷三十一—卷四十六)

中國古代詠史懷古詩係列研究之七

國家社會科學基金項目階段性研究成果
陝西師範大學優秀

資助

陝西出版傳媒集團
三秦出版社



趙望秦 孫亞男 劉璐 王璐 趙金丹 張海燕 校證

(清) 羅惇衍 著

集義軒詠史詩鈔校證

第三冊

(卷三十一—卷四十六)

中國古代詠史懷古詩係列研究之七

集義軒詠史詩鈔目錄

卷三十一

陳

徐陵

姚察

江總

傅縡

程靈洗

吳明徹

張譏

智永

前趙

陳元達

前秦

王猛

北魏

羅結

崔浩

睦夸

古弼

高允

溫子昇

賈思伯

楊播

酈道元

李謐

北齊

慕容紹宗

魏蘭根

陸法和

楊愔

邢邵

斛律光

顏之推

魏收

集義軒詠史詩鈔 卷三十一 七言律二十八首

陳

徐陵

字孝穆，摘子。梁，祕書監。仕陳，自武帝至後主時，累拜左光祿大夫、太子少傅，封建昌縣侯。卒，年七十七，贈特進，諡曰「章僞」。

夢裏翩翩鳳彩斑，石麟底事降人間。集成《新詠》臺名玉，賦就宮詞筆架珊。冢宰待懲流品濫，將軍欣奏凱歌還。能令魏國知寒暑，主客多言亦汗顏。

夢裏 母臧氏，嘗夢五色雲化為鳳，集左肩上，已而誕陵。石麟 年數歲，家人攜以候沙門釋寶誌，寶

誌摩其頂，曰：「天上石麒麟也。」新詠 陵有《玉臺新詠》，自序以行世。架珊 陵以珊瑚為筆架。冢

宰 遷吏部尚書，領大著作。陵以梁宋以來，撰授多失其所，於是提舉綱維，綜核名實。時有冒進求官，馳競不已者，乃為書宣示之，衆咸服焉。時論比之毛玠。將軍 朝議北侵，宣帝命舉元帥，衆議在淳（淳）于量，

陵獨力薦吳明徹，謂：「將略人才，當今無比。」詔以明徹為大都督，令監軍事，遂剋淮南數十州地。宣帝因置

酒，舉杯屬陵曰：「賞卿知人。」主客 先是梁太清二年，兼通直散騎常侍。使魏，魏人授館宴賓。是日甚

熱，其主客魏收嘲陵曰：「今日之熱，當由徐常侍來。」陵即答曰：「昔王肅至此，為魏始制禮儀；今我來聘，使卿復知寒暑。」收大慚。齊文襄為相，以收失言，囚之累日。

【今案】注文略見今本《陳書》卷二六《徐陵傳》、今本《南史》卷六二《徐陵傳》。

姚察

字伯審，吳興武康人。梁，原鄉令。陳，吏部尚書，後仕隋為太子內舍人。卒，年七十四。

卿宜自惜為朝廷，溫詔常憂毀頓形。學行擅場誰與比，文章宗匠足為型。一生疏布同寒素，四壁圖書寫汗青。誠子殷勤傳體例，《梁》、《陳》二史續門庭。

自惜 察既累居憂服，兼齋素日久，自免憂後，因加氣疾。後主嘗別召見，見察柴瘠過甚，為之動容，乃謂察曰：「朝廷惜卿，卿宜自惜，既蔬菲歲久，可停持長齋。」毀頓 初，梁季淪沒，父僧（坦）「垣」人于

長安，察蔬食布衣，不聽音樂。至是凶問因聘使到江南。時察母韋氏喪制適除，後主以察羸瘠，慮加毀頓，乃密遣中書舍人司馬申就宅發哀，仍勅申專加譬抑。擅場 隋文帝知察蔬菲，別日乃獨召入內殿，賜果菜。指

察謂朝臣曰：「聞姚察學行當今無比，我平陳唯得此一人。」宗匠 先是後主嘗從容謂朝士曰：「姚察達

學洽聞，手筆典裁精當，自古猶難輩匹。在於今世，足為師範。我於姚察文章，非唯翫味無已，故是一宗匠也。」圖書 始，父仕梁武時，每得供賜，皆回給察兄弟，為游學之資。察並用聚蓄圖書，由是聞見日博。

二史 察所撰《梁》《陳》史，雖未畢功，臨亡之時，仍以體例授子思廉，博訪撰續，且再三誠約。

【今案】注文略見今本《陳書》卷二七《姚察傳》、今本《南史》卷六九《姚察傳》。

江 總

字總持，濟陽考城人。初事梁，累官尚書僕射。入陳事後主，歷尚書令。入隋，拜上開府。開皇十四年，卒於江都，年七十六。

謝安昔已稱安石，江總今還喚總持。文才妙得昌黎賞，平仄不黏，唐人七律每有此法，如杜工部詠《宋玉》詩「悵望千秋」一聯，亦是也。名字連惟小杜隨。國有三妃無一士，朝輕七策重千卮。章華微秩猶強諫，未向臨春抗疏詞。

昌黎

「久欽江總文才妙，自歎虞翻骨相屯」。本韓退之詩。

小杜

「杜牧司勳字牧之，《清秋》一首

《杜秋》詩。前身應是梁江總，名總還曾字總持。」本李義山詩。

三妃

吳興章華好學能文，以無閭閻，除大

市令，鬱鬱不得志。上書極諫，略曰：「陛下即位，于今五年，溺于嬖寵，惑于酒色，祠七廟而不出，拜三妃而臨軒，老臣宿將，棄之草莽，諂佞讒邪，升之朝廷。今疆場日蹙，隋軍壓境，陛下如不改弦易轍，臣見麋鹿復游于姑蘇。」中華書局本《陳書》有「臺」字矣。」陳主大怒，斬之。七策 賀若弼有平陳七策，其要在彼出我歸，彼歸我出，務擾之，使不得耕耘。千卮 總既當權任宰，不持政務，但日與後主游宴後庭，多為豔詩，與孔範、陳暄等十餘人，侍飲酣歌，當時謂之狎客。臨春 後主起臨春、結綺、望仙等閣，珠簾寶帳，服玩瑰麗，近古未有。自居臨春，張貴妃居結綺，孔、龔二貴嬪居望仙，複道往來。以宮人袁大捨等為女學士。君臣昏亂，以至於滅。

【今案】注文略見今本《陳書》卷七《皇后傳》、卷二七《江總傳》、卷三〇《傅縡傳》，今本《全唐詩》卷三四四《韶州留別張端公使君》、卷五四一《贈司勳杜十三員外》。

傅 縡

字宜事，北地靈州人。後主時，官祕書監右衛將軍。後以言事，賜死獄中。

狐鼠持權失太阿，獄中幽憤辯懸河。恐令王氣東南盡，直詰君身陷溺多。文有藻思成典麗，性原本強少中和。長江誰唱《公無渡》，璧月徒聞《玉樹歌》。

持權 施文慶、沈客卿以佞見幸，專制衡軸，而縡益疏。文慶等因共譖之。後主收縡下獄。縡素剛，因憤恚，於獄中上書曰：「陛下頃來酒色過度，不虔郊廟大神，專媚淫昏之鬼；小人在側，宦豎弄權，惡忠直若仇讐，視百姓如草芥；轉戶蔽野，貨賄公行，帑藏損耗，神怒人怨，衆叛親離。恐東南王氣，自斯而盡。」書奏，後主大怒。頃之，稍解，使謂曰：「我欲赦卿，卿能改過否？」縡對曰：「臣心如面，臣面可改，則臣心可改。」後主於是益怒，令宦者李善度窮其事，賜死獄中。典麗 嘗兼中書通事舍人，掌詔誥。縡為文典麗，而性又敏速。木強 縡性木強，不持檢操，負才恃氣，陵侮人物，朝士多銜之。

【今案】注文略見今本《陳書》卷三〇《傅縡傳》、今本《南史》卷六九《傅縡傳》。

程靈洗

字元滌，新安海寧（寧）人。梁，巴邱縣侯。仕陳，自武帝至廢帝，歷官雲麾將軍，進封重安縣公。卒，贈鎮西將軍，諡『忠壯』。

黟縣屯兵招義旅，青州作督建奇功。身擒刺史人驚勇，使斬狂徒帝歎忠。三百里行矜步健，二千戶賜荷恩隆。婢司紡績躬耕稼，能散家資一世雄。

黟縣

侯景之亂，靈洗聚徒據黟、歙以拒景。景軍逼新安，新安太守湘西鄉侯蕭隱奔依靈洗，靈洗奉以主

盟。

青州

進軍建德，擒賊帥趙桑乾。以功授持節、散騎常侍、都督青冀二州諸軍事、青州刺史。

驚勇

後又攻剋周沔州，擒其刺史裴寬。

歎忠

廢帝即位，進號雲麾將軍。華皎之反，遣使招靈洗，靈洗斬皎使以

聞，朝廷深嘉其忠。

三百

少以勇力聞，步行日三百餘里，常便騎善游。梁末，海、黟、歙等縣及鄱陽、宣

城郡界多盜賊，近縣苦之。靈洗素為鄉里所畏伏，前後守長恒使召募少年，逐捕劫盜。

二千

以功改封（新）

〔重〕安縣公，增戶並前二千戶。

能散

性好播植，躬勤耕稼，至水陸所宜，刈穫早晚，雖老農不能及也。婢

妾無游手，並督之紡績。至於散用貲財，亦弗儉吝。

【今案】注文略見今本《陳書》卷一〇《程靈洗傳》、今本《南史》卷六七《程靈洗傳》。

吳明徹

字通昭，秦郡人。宣帝時，歷官征北大將軍，進司空，封南平郡公。後降周，卒。

泣天重見旱苗榮，人果墳前逐鹿行。虎帳初開臨越郡，龍麾特賜賁彭城。風行電掃擒強虜，月陣雲梯破敵兵。可惜江淮歸路斷，暮年空作李陵生。

旱苗 性至孝，年十四，墳塋未修，家貧無以取給，乃勤力耕種。時天下亢旱，苗稼焦枯，明徹哀憤，每之田中，號哭，仰天自訴。居數日，偶有自田還者，云苗已更生，明徹疑其給己，及往，如言。秋而大獲，足充葬用。

逐鹿 時有伊氏者，善占墓，謂其兄曰：『君葬日，必有乘白馬逐鹿者經墳，此是最小孝子大貴之徵。』至時果有應，明徹即樹之小子也。

越郡 後明徹為右衛將軍，總衆軍以討周迪。雅性剛直，統內不甚

和，文帝聞之，遣安成王瑱代明徹，令以本號還朝。天嘉五年，遷吳興太守。龍麾 進攻彭城。軍至呂梁，

又大破齊軍。八年，進位司空，給大都督鈇鉞龍麾。電掃 王琳叛降齊，齊遣大將皮景和率兵數十萬來援，

去壽春三十里，頓軍不進。諸軍咸曰：『計將安出？』明徹曰：『兵貴在速，而彼結營不進，自挫其鋒，吾知

其不敢戰明矣。』於是躬擐甲胄，四面疾攻，城中震恐，一鼓而擒王琳等，送建鄴。月陣 『風行電掃，貔虎

爭馳，月陣雲梯，金湯奪險』。本陳武帝與明徹詔書語，詳載《陳》史。暮年 周滅齊，又來侵陳。陳使明

徹與戰，衆軍皆潰。明徹窮蹙，乃就執，周封（懷德）「南平」郡公，位大將軍，以憂遭疾，卒於長安。

【今案】注文略見今本《陳書》卷九《吳明徹傳》、今本《南史》卷六六《吳明徹傳》。

張 譏

字直言，清河武城人。後主時，歷官國子博士，東宮學士。後入隋。卒，年七十六。

母遺綵帕歲時悲，帝賜裙襦論議持。繞宅山頭栽果樹，講經塵尾代松枝。也曾《老子》談戎服，不許諸昆助《易》辭。佳士如林誰及此，一生活靜使人思。

綵帕 譏幼喪母，有錯綵經帕，即母之遺製。及有所識，家人具以告之，每歲時輒對帕哽噎，不能自

勝。裙襦 梁武帝嘗於文德殿釋《乾》、《坤》、《文言》，譏與陳郡袁憲等預焉，敕令論議，諸儒莫敢先出，

譏乃整容而進，諮審循環，辭令溫雅。帝甚異之，賜裙襦絹等，仍云：「表卿稽古之力。」果樹 所居宅營山

池，植花果，講《周易》、《老》、《莊》而教授焉。松枝 陳後主嘗幸鍾山開善寺召從臣坐於寺西南松林下，

敕召譏豎義。時索塵尾未至，後主敕取松枝，手以屬譏，曰：「可代塵尾。」戎服 始，侯景寇逆，譏於圍城

之中，猶侍哀太子於武德後殿講《老》、《莊》。易辭 陳高祖時，周宏（弘）正在國學，發《周易》題，宏

（弘）正第四弟宏（弘）直亦在講席。譏與宏（弘）正論議，宏（弘）正既屈，宏（弘）直危坐厲聲，助其申理。譏

乃正色謂宏（弘）直曰：「今日義集，辯正名理，雖知兄弟急難，四公不得有助。」宏（弘）直曰：「僕助君師，

何為不可？」舉座以為笑樂。如林 後主在東宮，集官僚置宴，時造玉柄塵尾新成，後主親執之，曰：「當

今雖復多士如林，至於堪捉此者，獨張譏耳。」恬靜 譏性恬靜，不求榮利，常慕閒逸。

【今案】注文略見今本《陳書》卷三三《張譏傳》、今本《南史》卷七一《張譏傳》。

智 永

名法極，姓王氏，徽之六世孫，右軍七世孫，俗號「永禪師」。常居永欣寺閣上，學書三十年，業成方下。

三十年來妙理探，非徒半偈證瞿曇。襟懷瀟灑追方朔，戈法崢嶸畀世南。筆塚有銘華脫蛻，鐵門為限樹停驂。《千文》八百今存幾，藝苑芳型訪舊龕。

戈法 《續文獻通考》載：「唐太宗工草、隸、楷書，嘗患難于「戈」法。一日書「戡」字，空其

「戈」，密命世南取筆填之，以示魏鄭公。鄭公曰：「戈法逼真虞世南。」上深歎其藻識。」按，世南久學書於智永禪師。筆塚 積年臨書，所退筆頭，置之大竹籠，籠受一石餘，而五籠皆滿。後取而埋之，號退筆塚。

鐵門 求書者如市，所居戶限，為之穿穴，乃用鐵葉裹之，人謂之「鐵門限」。八百 住吳興永欣寺，妙傳逸少家法，為隋、唐間學書者宗匠，寫真、草《千文》八百本散於世，江東諸寺，各施一本。

【今案】注文略見今本《續文獻通考》卷一八七《六書考·書評》。

前趙

陳元達

字長宏，後部人。事劉聰為廷尉，遷御史大夫。後以諫不入，自殺。

納賢園額易逍遙，諫涉中宮自鎖腰。即使鶚儀終改轍，焉能龍比共聯鑣。鏡昏擇主忠言掩，劍決除姦勁節標。子弟莫知章削草，批鱗履尾異凡僚。

鎖腰 劉聰立左貴嬪劉氏為皇后，起鶚儀殿於後庭，元達極諫。聰大怒，即使殺之。時在逍遙園李中堂，

元達抱堂下樹叫曰：『臣所言者，社稷之計也，而陛下殺臣。若死者有知，臣要當上訴陛下於天，下訴陛下於先帝。朱游有云：「臣得與龍逢、比干游於地下足矣。」未審陛下何如主耳！』元達先鎖腰而入，及至，即以鏹繞樹，左右曳之不能動。聰怒甚。劉氏時在後堂，聞之，密遣中常侍私勅左右停刑，於是手疏切諫，聰乃解，引元達而謝之，易逍遙園為納賢園，李中堂為愧賢堂。除姦 宦官王沈等用事，勸聰誅大臣蔡母達等七人，

侍中卜幹泣諫，王沈叱之，聰免幹為庶人。太宰劉易及大將軍劉敷與御史大夫元達及金紫光祿大夫王延等詣闕極諫，聰笑曰：『是兒為元達所引，遂成癡也。』反封沈等為列候，劉易又上疏固諫，聰大怒，手壞其表，易遂忿恚而死。元達哭之悲慟，曰：『人之云亡，邦國殄瘁。吾既不能復言，安用此默默生乎！』歸而自殺。削草 在位忠謇，屢進讜言，退而削草，雖子弟莫得而知也。聰每謂元達曰：『卿當畏朕，反使朕畏卿乎？』

【今案】注文略見今本《晉書》卷一〇二《陳元達傳》。

前秦

王猛

字景略，北海劇人。事苻堅，為丞相。卒，諡『武侯』。

君臣魚水繼炎劉，秦相居然諡武侯。才壓桓溫難仕晉，識追管仲解尊周。養鷹逆決他年禍，捫蝨空紓昔日籌。國祚興亡繫生死，投鞭妄覲斷江流。

魚水 苻堅將有大志，聞猛名，遣呂婆樓招之，一見便若平生。語及廢興大事，異苻同契，若元（玄）德之遇孔明也。桓溫初，溫將還，賜猛車馬，拜高官督護，請與俱南。猛還山諮師，師曰：『卿與桓溫豈並世哉！』乃止。

管仲 堅嘗謂群臣曰：『王景略固是夷吾、子產之儔也。』及猛疾篤，堅親臨省病，問以後事。

猛曰：『晉雖僻陋吳、越，乃正朔相承。親仁善鄰，國之寶也。臣沒之後，願不以晉為圖。』養鷹 猛請殺慕

容垂，堅不從。權翼諫曰：『垂猶鷹也，饑則附人，飽便高颺，遇風塵之會，必有凌霄之志。惟宜急其羈絆，

不可任其所欲。』堅又不從。捫蝨 始，桓溫入關，猛被褐而謁之，一面談當世之事，捫蝨而言，旁若無人。

溫察而異之。投鞭 堅大舉伐晉，號稱百萬。群臣多諫止，堅曰：『以吾之衆旅，投鞭於江，足斷其流。』

【今案】注文略見今本《晉書》卷一一四《王猛傳》。

北魏

羅結

代人。世為魏附臣，從道武有功，賜爵屈虵侯。太武初，累遷侍中。年一百一十，詔聽歸老。年一百二十卒，諡曰『貞』。

鴈臣齡孰問梨眉，數應秦關出世奇。黃帝生全稱上壽，絳人年長遜修期。屈虵曾賜環城築，驛馬猶聞就第諮。三十六曹歸總轄，吾家忠愍燕謀貽。

鴈臣 魏以北方侍子畏暑，聽秋朝春還，時謂鴈臣。黃帝 《養生經》：『黃帝謂天老曰：「人生上壽一百二十，中壽百年，下壽八十年。不然者，皆夭耳。」』屈虵 劉顯之逆，結從道武幸賀蘭部，後賜爵屈虵侯。太武初，累遷侍中、外都大官，總三十六曹事。年一百七歲，精爽不衰。城築 太武以其忠愍，甚信待之，監典後宮，出入臥內，因除長秋卿。年一百一十，優禮致仕，賜大甯（寧）東川為私第別業，并為築城，即號曰羅侯城。居十年，始卒。驛馬 結告歸後，朝廷每有大事，驛馬詢問焉。謀貽 子斤，從太武討赫連昌，力戰有功，歷位四部尚書。從平涼州，以功賜爵帶方公。卒，諡曰『靜』。子孫襲爵，服官。故史論稱之曰：『羅結枝附葉從，子孫榮祿盛矣。』

【今案】注文略見今本《魏書》卷四四《羅結傳》、今本《北史》卷二〇《羅結傳》。